


TEZAU LITURGIC
15 DECEMBRIE

ACATISTUL
SF. IERARH-
MĂRTURISITOR
ȘTEFAN,
EPISCOPUL
SUROJULUI
CRIMEII



MOSCOVA, 2000



Акафист

святителю Стефану

Сурожскому

Кондак 1

Избранный чудотворче и предивный исповедниче Христов, молитвенниче о душах наших, святителю Стефане, ты же яко имеяй дерзновение ко Господу, от всяких нас бед и напастей свободы зовущих:

Радуйся, Стефане, исповедниче Христов и чудотворче.

Икос 1

Ангелов собеседниче и человеков наставниче ныне, яко Божий служителю, предстоя с вышними силами, святителю Стефане, молиши о всех нас Христа Бога нашего, сего ради благодарно во умилении зовем ти:

Радуйся, чистотою и святынею ангелом уподобивыйся.

Радуйся, постом и бдением безстрастия достигнувый.

Радуйся, верных непреложное утверждение.
Радуйся, неверных богомудренное обличение.
Радуйся, апостольских преданий верный хранителю.

Радуйся, непоколебимый православия столпе.
Радуйся, твердое ограждение Христовой Церкви.

Радуйся, делателю добрый вертограда Господня.

Радуйся, Стефане, исповедниче Христов и чудотворче.

Кондак 2

Бурю мирскаго жития и тяжелоносных страстей волны прошед, обрел еси тихое пристанище и в пустыню вселився, неленостно Христу поработал еси, во мнозе долготерпении, умерщвляя похоти плотския Бога ради и поя Ему: Аллилуиа.

Икос 2

Разум свыше посвященным и Духом Святым озаренным неверных людей Сурожских верою Христовою просветил еси, сего ради вопием ти:

Радуйся, трудов апостольских ревнителю.

Радуйся, богословия истинного премудрый учителю.

Радуйся, другом твоим спасения желавый.

Радуйся, во двор Христовы Церкви сих призывавый.

Радуйся, яко небесными стезями невозвратно шествовал еси.

Радуйся, яко на высоту добродетелей возшел еси.

Радуйся, страны Сурожския просветителю.

Радуйся, христиан страны сия небесный покровителю.

Радуйся, Стефане, исповедниче Христов и чудотворче.

Кондак 3

Видя в творениях Божиих, аки в зеркале, премудрость и славу Творца, к Нему духом выну возносился еси, богомудре. Светом Богоразумия твоего и нас озари, да вопием купно с тобою Богу: Аллилуиа.

Икос 3

Имея в сердце своем огонь любви Божественныя, спасения ради душ человеческих пастырски подвизался еси, богомудре, противу кознем диавольским и победительным Креста оружием, яко паучину лукавого сети отсекал еси. Темже прими от нас песнь сию:

Радуйся, рабе Божий, благий и верный.

Радуйся, учителю смирения и целомудрия.

Радуйся, образе кротости и послушания.

Радуйся, наставниче дел добрых.

Радуйся, огневидный столпе, наставляяй на путь спасения.

Радуйся, светильниче светозарный, верныя просвещаяй.

Радуйся, неисчерпаемый сосуде благодати Христовы.

Радуйся, чистое приятище Духа Святаго.

Радуйся, Стефане, исповедниче Христов и чудотворче.

Кондак 4

Святый Герман, на молитве стоя, предъизвещен бысть от Ангела об избрании тя Богом во святителя града Сурожа, ты же отче Стефане со смирением туюже вестъ принял еси, поя Богу: Аллилуиа.

Икос 4

Видевше в тебе Сурожстии людие святителя, яко Ангела, знамение благодати небесныя носяща, возрадовашася радостию неизглаголанною: ты же добре внимал себе и всему стаду, в нем же тя Дух Святый постави епископа, усердно пасл еси Церковь Господа и Бога, яко слово воздати хотя: сего ради ублажаем тя, отче Стефане, зовуще:

Радуйся, человеце Божий, преподобием аки поясом златым препоясанный.

Радуйся, друже Христов, святительством, аки бисером драгим преукрашенный.

Радуйся, воине Христов, непобедимый.

Радуйся, страже дому Божия неусыпный.

Радуйся, мзду трудов своих от Христа восприявый.

Радуйся, яко вошел еси в радость Господа своего.

Радуйся, страны Таврической светлое украшение.

Радуйся, предивное осияние небесных славы.

Радуйся, Стефане, исповедниче Христов и чудотворче.

Кондак 5

Спаستися всем хотя преблагий Господь яви ты, святителю отче Стефане, образ жития праведнаго: кто бо не умилился, видя твое безмерное ко всем благосердие темже велию к нам милость Божию славяща вопием: Аллилуиа.

Икос 5

Стена была еси помощи и заступления всем беспомощным и нападваемым, святителю Стефане, и милосердия неистощимое сокровище. Сего ради дивнаго во святых своих Бога славяще ублажаем тебя сице:

Радуйся, архиерею, от Самого Господа прореченный.

Радуйся, мужу желаний, пасти стадо Христово свыше избранный.

Радуйся, пастыреначальника Иисуса Христа благоволение.

Радуйся, многосветлый Церкви светильниче.

Радуйся, апостолов сопричастниче.

Радуйся, святителей великих сопрестольниче.

Радуйся, чистоты сердечныя сокровище.

Радуйся, смирения Христова зеркало.

Радуйся, Стефане, исповедниче Христов и чудотворче.

Кондак 6

Хотя Человеколюбец Господь явити в тебе, святителю, неизреченное к людям милосердие, показа Тя яко воистину светило Богосветлое, дела бо и словеса твоими всех приводил еси ко благочестию. Темже сиянием подвигов твоих просвещении, тебе усердно величаем и прославльшему Тя Христу вопием: Аллилуиа.

Икос 6

Видя себе поставлена на степень архиерейства, святителю отче Стефане, не дал еси очима твоима сна, ниже веждом твоим дремания, поставляя пастве твоей пастыри смыслены и вся люди управляя ко спасению. Мы

же вѣдуще тя быти пастыреначальника
богомудренна и строителя дому Божия добра,
взываем к тебе сице:

Радуйся, крепкое кормило Христовы Церкви.

Радуйся, нивы Господни усердный жателю.

Радуйся, верных крепкое утверждение.

Радуйся, неверных богомудренное обличение.

Радуйся, верный тайн святых строителю.

Радуйся, яко пастырем твоим благовременное
и безвременное проповедати заповедал еси.

Радуйся, безстрастия сосуде чистый.

Радуйся, измлада Христа возлюбивый.

Радуйся, Стефане, исповедниче Христов и
чудотворче.

Кондак 7

Боготечная звезда явился еси в стране
нашей, наставляя всех на путь спасения:
призывающих бо тя вскоре предваряеши и от
всяких бед и напастей избавляеши, верные же
научаеши спасающему тобою Богу взывати:
Аллилуиа.

Икос 7

Божественным Духом просвещен, проповедал еси со дерзновением православия предание, всеблаженне Стефане, и мучителя своего беззаконна посрамил еси, в заточение неправедно посылаем. Мы же введуще таковая, вопием тебе сице:

Радуйся, за Христа пострадавый и мучимый.

Радуйся, твердо Его исповедавый.

Радуйся, всех научивый непосрамленно поклоняться честным иконам.

Радуйся, предстателю пред Престолом Божиим, за нас грешных.

Радуйся, веселие земли Сурожския.

Радуйся, царя нечестиваго обличителю.

Радуйся, православия ревнителю.

Радуйся, нечестивых ересей обличителю.

Радуйся, Стефане, исповедниче Христов и чудотворче.

Кондак 8

Отче отцев, богоносный Стефане, Сурожу утверждение, рабы твоя соблюди от всякого

прегрешения, видимых же враг и невидимых, воспевающих Богу: Аллилуиа.

Икос 8

Твоего чистаго и непорочнаго жития, великий чудотворче, человеческий язык восхвалити и воспети, преподобие твое Стефане, не возможно; во всех бо подвизах доблественне подвизался еси, нечестиваго царя обличил еси, чести же иконы научил еси и отцев догматы, всеумудре, исповедал еси, сего ради ублажаем тя сие:

Радуйся, Ангелов сожителю.

Радуйся, апостолов удобрение.

Радуйся, иноков украшение.

Радуйся, святителей славо.

Радуйся, мучеников похвало.

Радуйся, священная главо, от пелен очистивый духом.

Радуйся, яко звезда светлая возсиявый.

Радуйся, от среды тьмы многая изведый.

Радуйся, Стефане, исповедниче Христов и чудотворче.

Кондак 9

Ты Сурожу быв просветитель и живущих в нем заступник, обуреваемых же в напастех сущих, тихое пристанище, врач страстей душевных же вкупе и телесных, отнюдуже вся чада твоя присно взывают Богу: Аллилуиа.

Икос 9

Ветии многовещанные не возмогут по достоянию изрещи твоих благодеяний множества, святителю отче Стефане, щедродательная бо десница твоя всюду досязаше. Мы же благосердию твоему дивящися, со умилением взываем ти:

Радуйся, лучу любви Божия пресветлая.

Радуйся, сокровище милосердия Спасова неистощимое.

Радуйся, ближняя своя паче себе возлюбивый.

Радуйся, в меньших братиях твоих самого Христа видевай.

Радуйся, сирых питателю и призрение.

Радуйся, скорбящих утешение.

Радуйся, страдальцев укрепление.

Радуйся, обидимых заступниче.

Радуйся, Стефане, исповедниче Христов и чудотворче.

Кондак 10

Бурю злых напастей утишая, прошел еси весь путь тесный и скорбный иноческого жития, неся ярем пустынного подвига, всенощного бдения, молитвы, тела умерщвления и святительского служения. И тако благодатию Божиею от силы в силу восходя и от деяния к Боговедению, во обители горния преселился еси. Идеже со ангелы выну воспеваеши Богу: Аллилуиа.

Икос 10

Кто не блажит тебе, преблаженне Стефане, слыша славное житие твое, ты бо еси жив есть душою, мы же сиче тебе воспеваем:

Радуйся, великий Богу угодниче.

Радуйся, яко во временней жизни сей любви ради ко Господу выну во спасении души твоея подвизался еси.

Радуйся, яко его помощью, оставль тленная, нетленная стяжал еси.

Радуйся, яко благодатию Божию сподобился еси стояти у Престола Владычня.

Радуйся, яко тако сподобился еси причастником быти вечной славы.

Радуйся, тако получивый благодать ходатайствовати о нас.

Радуйся, скорый помощниче призывающих тя.

Радуйся, православному царству нашему защитителю.

Радуйся, Стефане, исповедниче Христов и чудотворче.

Кондак 11

Благодать чудес многообразных, вселився в небеси, принял еси от Господа, преблаженне Стефане, сего ради подаеши исцеления всем, притекающим к тебе с верою. Мы же силе чудес твоих чудящися, вопием Богу: Аллилуиа.

Икос 11

Знамений чудесы тебе Господь прослави, преблаженне Стефане, прогониши бо духи и врачуеши страсти, души же просвещает верных, сице тебе вопиющих:

Радуйся, по трудех странствия земнаго в небесных селениих сладце почивый.

Радуйся, яко смерть приявый, тления же не познавый.

Радуйся, со Христом, Его же возлюбил еси.

Радуйся, со Христом, на веки совокупивыйся.

Радуйся, Царствия Небеснаго и славы вечныя наследниче.

Радуйся, сильным мира сего небоязненный суда Божия провозвестниче.

Радуйся, яко за истину претерпел еси скорби.

Радуйся, яко стяжал еси изгнанных правды ради.

Радуйся, Стефане, исповедниче Христов и чудотворче.

Кондак 12

Благодать свыше Ти данную познавше, благоговейно лобызаем светолепное всечестнаго лица твоего изображение и благодарственно вопием Христу Богу нашему: Аллилуиа.

Икос 12

Весь еси в вышних, но и нижних не оставлявши, святителю отче Стефане, присно со Христом царствуеши и о нас грешных молитвы к нему возсылаеши. Темже во умилении зовем ти:

Радуйся, прибежище наше в скорбях.

Радуйся, скорый помощниче в бедах сущих.

Радуйся, на невидимыя враги наш поборниче.

Радуйся, посетителю в немощех лежащих.

Радуйся, яко Христу добльственно последовал еси.

Радуйся, яко сладчайшему Иисусу до конца послужил еси.

Радуйся, яко наслаждаешися лицезрения Божия.

Радуйся, яко сподобился еси зрети невечерний день Царствия Христова.

Радуйся, Стефане, исповедниче Христов и чудотворче.

Кондак 13

О, великий и преславный чудотворче, святителю отче Стефане, прими сие похвальное пение от нас недостойных во умилении Тебе приносимое и твоим теплым предстательством у Престола Царя славы испроси нам в вере и добрых делах утверждение, в жизни сей от всех бед и напастей избавление, в смертном же успении нашем благу надежду спасения, да сподобимся в радости вечной воспевати дивному во Святых своих Богу: Аллилуиа, Аллилуиа, Аллилуиа.

(Этот кондак читается трижды, затем икос 1 и кондак 1)

Молитва

О, священная главо, крепкий наш молитвенниче и заступниче, святителю отче наш Стефане, услыши нас с верою и любовью призывающих тя. Поминай нас у Престола Вседержителя и не престай молиться о нас. Испроси предстательством твоим у Всемилостивейшего Спаса нашего мир Церкви, его пастырем, Божию ревность и силу, православной стране нашей мир и спасение. Умоли Небеснаго Отца нашего всем подати

кoемуждo бoлгoпoтpeбeн дap: вepу иcтиннyю, нaдeждy твepдyю, лyбoвь нeocкyднyю, гpaдoв нaших yтвepждeниe, мирa yмирeниe, oт глaдa и гyбитeльcтвa избaвлeниe, oт нaшeствия иноплeмeнник coхpaнeниe, юным блaгoe в вepe вoзpaстaниe, cтapым и нeмoщным yтeшeниe и yкpeплeниe, бoлящим иcцeлeниe, cирым и вдoвицaм милocть и зacтyплeниe, бeдcтвyющим пoмoщь. Нe пocpaми нac вo yпoвaнии нaшeм, cпocпeшcтвyй, якo oтeц чaдoлyбивый, и нaм пoнecти блaгoe игo Хpиcтoвo вo блaгoдyшии и тepпeнии и вceх нac yпpaви в мирe и пoкaянии нeпocтyднo живoт cвoй oкoнчaти и Цapcтвия Бoжия нacлeдницy быти, идeжe ты нынe вoдвopяeшиcя co Aнгeлы и вceми Святыми, вынy хвaля Бoгa, в Тpoицe cлaвимoгo, Oтцa и Сынa и Святoгo Дyхa. Aминь.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

НОВОЕ
НЕБО